

Broj: 7951-10/17

Sarajevo, 27.11.2017. godine

Na osnovu člana 69. stav 2. tačka c), člana 70. st. 4. i 6. Zakona o javnim nabavkama („Sl. glasnik BiH”, broj 39/14), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14) i člana 27. Statuta Javne ustanove Opća bolnica „Prim. dr. Abdulah Nakaš”, na Preporuku Komisije za nabavku broj: 7951-7/17 od 24.11.2017. godine, u postupku javne nabavke **hrane**, direktor Javne ustanove Opća bolnica „Prim. dr. Abdulah Nakaš”, je donio

## **ODLUKU o poništenju postupka javne nabavke**

### **Član 1.**

Poništava se postupak javne nabavke hrane za lotove:

1. LOT 3 – Svježe povrće i salate
2. LOT 5 – Voće, proizvodi od voća i napitci

iz razloga što u otvorenom postupku nije dostavljen broj ponuda određen u članu 32. stav (4) Zakona o javnim nabavkama, obzirom da je bilo predviđeno zaključenje okvirnog sporazuma (**član 69. stav 2. tačka c) Zakona o javnim nabavkama**).

### **Član 2.**

Ova Odluka objaviće se na internet stranici Javne ustanove Opća bolnica „Prim. dr. Abdulah Nakaš” ([www.obs.ba](http://www.obs.ba)), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav. 6. Zakona o javnim nabavkama.

### **Član 3.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

### **Obrazloženje**

Postupak javne nabavke pokrenut je Odlukom o pokretanju postupka javne nabavke broj: **7951-2/17 od 23.10.2017. godine.**

Javna nabavka je sprovedena **putem otvorenog postupka.**

Procijenjena vrijednost javne nabavke bez PDV-a je **332.000,00 KM.**

Obavještenje o nabavci broj: 1125-1-1-365-3-100/17, poslato je na objavljivanje dana **24.10.2017. godine**, a objavljeno je na Portalu javnih nabavki dana **24.10.2017. godine**, sažetak obavještenja o nabavci objavljen je u Sl. Glasniku BiH broj: **77/17 od 27.10.2017. godine.**

Komisija za nabavku, imenovana je Rješenjem broj: **7951-3/17 od 23.10.2017. godine.**

Komisija za javnu nabavku dostavila je direktoru Javne ustanove Opća bolnica „Prim. dr. Abdulah Nakaš“ Zapisnik o pregledu i ocjeni ponuda broj: **7951-6/17 od 24.11.2017. godine**, Preporuku o poništenju postupka nabavke za LOT 3 i LOT 5 broj: **7951-7/17 od 24.11.2017. godine** i Izvještaj o radu broj: **7951-8/17 od 27.11.2017. godine**, u postupku javne nabavke **hrane.**

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da je u predmetnom postupku primljeno 8 ponuda,
- da je blagovremeno primljeno 8 ponuda,
- da je neblagovremeno primljena 1 ponuda (Ponudač ZADRUGA „BIOS“ p.o. Visoko ponudu dostavio dana 08.11.2017. godine u 12,45 h. U skladu sa članom 15. stav (6) Uputstva za pripremu modela tenderske dokumentacije i ponuda („Službeni glasnik BiH“ broj 90/14) ponuda je obilježena kao zakašnjela i vraćena pošiljaocu bez odgode),
- da su ponuđači **„VINOJUG“ d.o.o. Sarajevo i TPDC „Sarajevo“ d.d. Sarajevo** kao kvalifikovani ponuđači dostavili ponudu za lot 3 i lot 5. U skladu sa članom 32. stav (4) Zakona, Okvirni sporazum se zaključuje sa više ponuđača za isti predmet nabavke, a broj ponuđača sa kojim se zaključuje Okvirni sporazum ne može biti manji od 3 pod uslovom da postoji dovoljan broj ponuđača,

Nadalje, u postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama, podzakonskim i internim aktima i tenderskim dokumentom.

Naime, u postupku predmetne nabavke nesumnjivo je utvrđeno da nije dostavljen broj ponuda određen u članu 32. stav (4) Zakona o javnim nabavkama, obzirom da je tenderskom dokumentacijom bilo predviđeno zaključivanje okvirnog sporazuma, čime su se stekli zakonski uslovi za poništavanje postupka javne nabavke za LOT 3 i LOT 5.



Iz navedenih razloga, primjenom člana 69. stav 2. tačka c) Zakona o javnim nabavkama („Službeni glasnik BiH“ broj 39/14), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 27. Statuta Javne ustanove Opća bolnica „Prim. dr. Abdulah Nakaš“, odlučeno je kao u članu 1. ove Odluke.

### **POUKA O PRAVNOM LIJEKU**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:

**Javna ustanova Opća bolnica „Prim. dr. Abdulah Nakaš“, Kranjčevićeva broj 12, Sarajevo.**

Žalba se podnosi u najmanje 3 (tri) primjerka.

PRIPREMILA:  
Amira Petrović, BA općeg prava  
Referent za pravne poslove

AP

KONTROLISALA:  
Saideta Hrustemović, dipl. iur.  
Kordinator za javne nabavke

SH



**DIREKTOR**

**Prim. dr. Zlatko Kravić**

#### **Dostaviti:**

- Ponuđaču: **Sprind d.d. Sarajevo**
- Ponuđaču: **Vinojug d.o.o. Sarajevo**
- Ponuđaču: **Klas d.d. Sarajevo**
- Ponuđaču: **Gold Mignon d.o.o. Sarajevo**
- Ponuđaču: **TPDC Sarajevo d.d. Sarajevo**
- Ponuđaču: **Zam Comerc d.o.o. Fojnica**
- Ponuđaču: **MBA CENTAR d.o.o. Sarajevo**
- Ponuđaču: **Redex d.o.o. Banovići**
- Odjeljenje za pravne, kadrovske i opće poslove
- Odjeljenje za ekonomsko-finansijske poslove
- Komisiji za javne nabavke
- a/a.